



International
Labour
Organization



Keshilli i Qarkut Kukës



Empowered lives.
Resilient nations.

Projekti "Përgjigjet në nivel lokal ndaj sfidës së punësimit të të rinjve në Shqipëri"

THIRRJE PËR APLIKIME

Gjenerimi i punësimit nëpërmjet zhvillimit të kultivimit dhe grumbullimit të sherbelës

1. Përshkrimi i projektit

Projekti i financuar nga SDC (Agjensia Zvicerane për Zhvillim dhe Bashkëpunim) në lidhje me Përgjigjet në Nivel Lokal për Sfidën e Punësimit të të Rinjve e njihin rolin kyç që autoritetet rajonale\lokale si edhe masat e ndërmarra nga institucionet qendrore mund të luajnë në trajtimin e sfidave të tregjeve lokale të punës. Bazuar në eksperiencën e mëparshme në kuadrin e Projektit të Përbashkët të OKB për Punësimin dhe Migrimin e të Rinjve (PMR), kjo ndërhyrje synon konsolidimin dhe zgjerimin e përfshirjes së komuniteteve lokale në përpjekjet për zgjidhjen e problemeve të papunësisë. Paktet Territoriale të Punësimit (PTP) përfaqësojnë një risi institucionale e cila është e bazuar në konsultime dhe në planifikim të negociuar midis aktorëve publikë dhe privatë në nivel kombëtar dhe lokal, aktorë të cilët bashkohen për hartimin e objektivave të punësimit duke e vënë theksin tek formalizimi i punëtorëve të rinj dhe krijimi i vendeve të punës

Paktet projektohen si partneritete nga poshtë-lart me qëllim që të nxisin iniciativat dhe skemat që e trajtojnë papunësinë që në rrënjë. Në të njëjtën kohë Masat e PTP-së mbështesin politikatat të cilat shënjestrojnë zhvillimin dhe formalizimin e sektorit të bujqësisë duke promovuar formalizimin e ndërmarrjeve shumë të vogla (mikro), veçanërisht në zonat e thella.

Ngritja dhe funksionimi i Bordeve Rajonale të Punësimit, të cilët institucionalizojnë rrjetet e aktorëve lokalë, e rrit besimin në lidhje me mundësinë e përsëritshmërisë së këtij modeli përtej kohëzgjatjes së projektit. PTP-të, si instrumente politike efikase të cilët mund të katalizojnë lloje të reja bashkëpunimi dhe veprimi, janë replikuar edhe në rajonet e Kukësit dhe Shkodrës dhe tani po testohen për herë të parë në rajonin e Lezhës. Gama e rezultateve dhe e mësimave të nxjerra mund të vazhdojë në territoret e përfshira në Pakt edhe përtej periudhës së mbështetjes nga projekti (dmth mund të jetë i qëndrueshëm) dhe gjithashtu mund të jetë i rëndësishëm edhe për aktorë të tjerë të cilët po përpiqen të kryejnë ndërhyrje të të njëjtit lloj (shpërndarja) apo të formulojnë përgjigje për politikatat (përfshirja), ose të dyja.

Një nga aktivitetet e veçanta, pjesë e Paktit Territorial të Punësimit në rajonin e Kukëskit është nxitja e kultivimit dhe grumbullimit të sherbelës si një burim alternativ për punësim në zonat rurale.

Objektivi specifik i kësaj mase është:

Mbështetja e punësimit të të rinjve nëpërmjet kultivimit dhe grumbullimit të Bimëve Mjekësore dhe Aromatike (BMA).

2. Aktivitetet

Shqipëria është lojtar kryesor ndërkombëtar për produkte si psh sherbela, trumza, rigoni dhe erëzat dimërore. Në tregje të zgjedhura produktet shqiptare janë udhëheqëse si për shembull në rastin e sherbelës në Amerikë dhe në rastin e trumzës në Gjermani.

Shumica e tregtisë së BMA-ve është me produkte organike. Kostoja në rritje e prokurimit, konkurenca midis tregtarëve me shumicë dhe vështirësia për të bërë përputhjen e potencialit të tregut me produkte organike në mënyrë ekskluzive kanë rritur interesin e operatorëve për kultivimin e bimëve të tilla si: sherbela, rigoni, trumza e butë dhe mustaqet e misrit.

Përpyekjet aktuale për zgjerim janë të përqëndruara tek zgjerimi i gamës së BMA-ve organike, dhe tek investimi për përpunimin e BMA-ve për të bërë të mundur prodhimin e vajrave esenciale. Në përgjithësi, sherbela e rajoneve veriore konsiderohet e një cilësie më të mirë, ndërsa për sa i përket rigonit dhe trumzës zonat qendrore dhe jugore ofrojnë një cilësi superiore.

Për realizimin e objektivit të kësaj ndërhyrje do të kryhen aktivitetet e mëposhtme:

1. Identifikimi dhe përzgjedhja e 10 fermerëve të rinj (femra/meshkuj) nga mosha 15-29 vjeç, të cilët janë pronarë tokë dhe të gatshëm për kultivimin e BMA-ve.
2. Ofrimi i trajnimit për 10 të rinjtë fermerë të identifikuar në lidhje me kultivimin, ruajtjen, magazinimin dhe tharjen e BMA-ve. Trajnimi teknik (si në klasë ashtu edhe në vendin e punës) do të plotësohet edhe me trajnim për sipërmarrje.
3. Të rinjtë e trajnuar do të inkurajohen që të regjistrohen si të vetë-punësuar. Secilit pjesëmarrës të përzgjedhur do t'i ofrohet një grant prej 1,300 dollarësh për regjistrimin ligjor dhe fillimin e aktivitetit të biznesit.

3. Modalitetet e përzgjedhjes

Identifikimi dhe përzgjedhja e dhjetë fermerëve të rinj (femra/meshkuj) të moshës 15-29 vjeç, të cilët janë pronar tokë dhe të gatshëm për kultivimin e BMA-ve do të kryhet nëpërmjet thirrjes aktuale për aplikime.

Fermerët e përzgjedhur do të përfitojnë trajnim teknik (si në klasë ashtu edhe në vendin e punës), i cili do të plotësohet edhe me trajnim për sipërmarrje.

4. Pjesëmarrësit e mundshëm

- Të rinj të papunë (femra/meshkuj) të moshë 15-29 vjeç;
- Banues në rajonin e Kukësit;
- Pronarë të një toke bujqësore dhe të gatshëm për t'u marrë me kultivimin e BMA-ve;
- Të gatshëm për të marrë pjesë në krijimin e një ndërmarrje të përbashkët me të rinj të tjerë të përzgjedhur.
- Kane prioritet të rinjtë që kanë mbaruar arsimin e lartë.

Afati përfundimtar: Aplikimet (duke përfshirë shtojcat a dhe b) duhet të dërgohen me postë ose personalisht në 2 (dy) kopje (1 origjinale dhe një kopje) jo më vonë se ditën e marte, date 21 shkurt 2014 në orën 16.00 në adresën e mëposhtme:

Z. Bukurosh Onuzi
Koordinator Rajonal për Kukësin
Adresa: Këshilli Rajonal i Kukësit
E-mail: buabon@yahoo.com
Cel: +355 692096645

5. Çmimi

Një panel përzgjedhës i drejtuar nga Këshilli Rajonal i Kukësit, i përbërë nga një përfaqësues nga Drejtoria Rajonale e Bujqësisë në Kukës dhe një përfaqësues nga projekti do të bëjnë vlerësimin e aplikimeve të marra dhe do të propozojnë përfituesit përfundimtarë sipas kriterëve të paracaktuara. Anëtarëve të panelit do t'u kërkohet të nënshkruajnë një deklaratë paanësie.

Përzgjedhja e përfituesve do të përfundojë deri në fund të muajit shkurt 2014.